



## সংবাদ বিজ্ঞপ্তি

### সূর্য হাসতেই থাকবে: ইউএসএআইডি-র এনজিও স্বাস্থ্য সেবা প্রদান প্রকল্প উদ্বোধন

ঢাকা, ১৭ই জানুয়ারি -- ২০০৯ সালের এপ্রিল মাসের ঘটনা। রোকসানা ভেবেছিলো তার পঞ্চম সন্তান ধারণকালে সে বোধ হয় আর বাঁচবে না। এর আগে চারবার গর্ভবস্থায় গৃহেই তার সন্তান প্রসব হয় এবং সেই চারটি সন্তানের মধ্যে কেবল দুটি মাত্র বেঁচে আছে। একটি নির্ভরযোগ্য ও সাশ্রয়ী স্বাস্থ্যসেবা কেন্দ্র খুঁজতে গিয়ে রোকসানা চট্টগ্রামের পটিয়ায় যুক্তরাষ্ট্রের সহায়তাপুষ্ট সূর্যের হাসি পলী-ক্লিনিক-এর সন্ধান পায়। সঠিক চিকিৎসা ও যত্নে রোকসানা ও তার নবজাতক শিশু উভয়ই সে যাত্রা বেঁচে যায়।

গত পাঁচ বছরে, যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-র সহায়তাপুষ্ট ও ২৬টি বেসরকারি সংস্থার এক নেটওয়ার্ক দ্বারা পরিচালিত সূর্যের হাসি স্বাস্থ্য কর্মসূচি দেশব্যাপী ৩২৭টি ক্লিনিকের মাধ্যমে পল্লী ও নগর উভয় অঞ্চলে লক্ষ লক্ষ বাংলাদেশীর জন্য সমন্বিত পরিবার পরিকল্পনা ও স্বাস্থ্যসেবা গ্রহণের সুযোগ প্রদান করে চলেছে। এই ক্লিনিকের প্রায় ২৮ শতাংশ রোগীই দরিদ্র।

আজ, যুক্তরাষ্ট্র ইউএসএআইডি'র মাধ্যমে বাংলাদেশে তার সর্ববৃহৎ বিনিয়োগের একেবারে নতুন একটি অংশ এনজিও স্বাস্থ্যসেবা প্রদান প্রকল্প উদ্বোধন করলো। পাঁচ কোটি পঞ্চাশ লক্ষ ডলার মূল্যমানের চার বছরব্যাপী এই প্রকল্প সূর্যের হাসি ক্লিনিকের মাধ্যমে বাংলাদেশের সুবিধাবৰ্ধিত এলাকাগুলোতে প্রাথমিক স্বাস্থ্যসেবা প্রদান করবে। প্রকল্পটি সাশ্রয়ী মূল্যে স্বাস্থ্য সেবা প্রদান করবে, স্বাস্থ্যসেবা প্রক্রিয়া শক্তিশালী করবে এবং স্বাস্থ্য সংশ্লিষ্ট প্রভাবের উন্নয়নের লক্ষ্যে সরকারি-বেসরকারি অংশীদারিত্বের উন্নয়ন করবে। এই প্রকল্পটি যুক্তরাষ্ট্রের প্রেসিডেন্ট বারাক ওবামার বৈশ্বিক স্বাস্থ্য উদ্যোগের অংশ। যুক্তরাষ্ট্রের প্রেসিডেন্টের এই উদ্যোগ স্বাস্থ্য উন্নয়নের লক্ষ্যে একটি সমন্বিত ও ফলাফল প্রতিষ্ঠার প্রতি সচেষ্ট একটি উদ্যোগ।

**EMBASSY OF THE UNITED STATES OF AMERICA  
PUBLIC AFFAIRS SECTION**

TEL: 880-2-883-7150-4 FAX: 880-2-9881677, 9885688  
E-MAIL: [DhakaPA@state.gov](mailto:DhakaPA@state.gov) WEBSITE: <http://dhaka.usembassy.gov>



# USAID | BANGLADESH

FROM THE AMERICAN PEOPLE

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার ‘ইউএসএআইডি’র মাধ্যমে ৬শ’ কোটি ডলারেরও বেশী প্রদান করেছে। কেবল ২০১২ সালেই ‘ইউএসএআইডি’ বাংলাদেশের জনগণের জীবনমান উন্নয়নে ২০ কোটি ডলারের বেশী প্রদান করেছে। ‘ইউএসএআইডি’ বাংলাদেশে যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচী ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

=====

ঢাকাত্ত যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে [www.facebook.com/bangladesh.usembassy](http://www.facebook.com/bangladesh.usembassy) চোখ রাখুন।

## EMBASSY OF THE UNITED STATES OF AMERICA PUBLIC AFFAIRS SECTION

TEL: 880-2-883-7150-4 FAX: 880-2-9881677, 9885688  
E-MAIL: [DhakaPA@state.gov](mailto:DhakaPA@state.gov) WEBSITE: <http://dhaka.usembassy.gov>